

IO: BAPTISTAE
LAVRI PERVSINI
CLERICI SEMINARI

De Vita
D. MARIAE AEGYPTIACAE
LIBRI TRES

AD REVERENDISS. D.
NEAPOLIONEM COMITOLVM
EPISCOPVM PERVSINVM.



PERVSI AE,

Ex Typographia Vincentij Columbarij. M. D. C. III.
SUPERIORVM PERMISSV.



REVERENDISS. DOMINO
N E A P O L I O N
COMITOLO EPISCOPO
P E R V S I N O.

IO: BAPTISTA LAVRVS PERVSINVS
SEMINARII CLERICVS.




XIT in lucem, Pastor Am-
plissime, primus hic vigilia-
rum mearum fructus: te qui-
dem non abnuente, me vere
etiam exoptante: quidni enim
ego me prodam? tametsi longe diuerso con-
silio, ac pleriq; opinor, interpretaturi sunt
temere, ambitioseq; a me videlicet factum,
qui, nondum extra iuuentutis metas consti-
tutus, qua ætate compluribus in eo scribenda
di genere pedem vix dum promouisse vide-
ri possum, de edendo cogitauerim. Para-
cant, obsecro, homines isti censuræ, nec
me ante culpent, quam consilij mei ratio

iem inspexerint. Equidem dictū illud Senecæ Agricola penitus deperdere, si quod semen inseuerit, minus excolat, ita olim religiose sum complexus, vt siquid in me bonę frugis Poëtarum lectione erat inspersum, emori minime paterer; quin potius enixe operam darem, quantum a grauioribus studijs vacare liceret, vt solerti subactione paulatim succresceret, meq; in spem messis vberioris, si qua vnquam, erigeret. Ea propter ex Alexādrini Clementis cōsilio (quod institutæ vitæ rationem decet) Heliconem, & Cithæronem deserens, Syonem inhabitans, Musas ipsas abire iubens, ac cælestes Mentis meorum laborum auspices inuocans, de DIVA MARIA ÆGYPTIACA, in quam peculiari affectu inde a pueritia exarsis, hanc opellam meditatus sum; quę quamquam domi contineri poterat, ex umbraculis tamen in Solem eo potissimum nomine emittitur, vt alieni iudicij exploratrix, atq; internūtia, quid mihi ex huius generis scriptis

tis posthac sperandum sit, fideliter, libere
aperte indicet: nam nec ego Suffenus, nec
Simia, qui mihi met placeam: iudicium er-
go, non plausum, licet expectare & hunc ab
hominibus liceat, cum (quod aiebat Stra-
tonicus) nullo constet impendio. Quod
superest, foetum hunc, quem obseruantia
meæ apud te, Patrone Magne, obsidem ef-
se volo, fronte, qua res tuas consuisti, acci-
pe: tuus enim profecto est, si vel te spectem
quo Poëseos in stadio, tanquam Acclama-
tore, bono meo fato, sum hætenus usus
atq; adeo (ni obstat reuerentia) Præceptor
re: vel me, qui, cum ex tuo sim grege, tibi
qui es Pastor, in primis deberi existimo
quidquid vnquam a tenuitate nostra pro-
ficiscetur. Vale ex Seminario tuo. Cal.
Quinct. ClD, ID, C, IIII.

AD DIVAM MARIAM
ÆGYPTIACAM.

Iacobus Viuolus Seminarij Clericus.



*AT populis nota es, dum Cypridis
igne calescis,
Dum deserta colis, Fama sepulta
tua est:*

*At nunc, quæ Fama perierunt tem-
pora, LAVRVS*

Reddit, & aternam donat habere diem.

AD IO: BAPTISTAM LAVRVM
SEMINARII CLERICVM.

Io: Nicolaus Leontius eiusdem Sem. Cler.

*NON prius aquoribus committit Nautica Cymbam,
Quam MARIS edoceat flāmea STELLA viam.
Duc modo, LAVRE, tuam spatiosa per aquora Puppim,
Qua MARIS in portum STELLA recludit iter.
modo, nec timeas, tumeant licet aquora ventis;
Non valet aduersus vis inimica Polum.*

AD

7
A D E V N D E M.

Benedictus Monaldus Sem. Cler.

LAVRVS perpetuo resplendet honore comarum;
Nec vitio atatis carpitur, aut carie:
Et tua perpetuum viuent mansura per auum,
Qua canis heroo carmina, *LAVRE*, sono.

A D E V N D E M.

Timotheus de Timotheis Sem. Cler.

NATVRAE vigili dum mente arcana penetras,
Teq; suis ditat docta Minerva bonis;
Mirum, laurigero quod plenus Apolline; scribas,
Qua Genio haud dubitem viuere posse suo.
Nec tamen hoc mirum, cum te una Pallas, Apollo
Ingenij mira dexteritate beent.

A D E V N D E M.

Virginus Castaldus Sem. Cler.

NON miror, iuuenes quod vix dum euectus ad an.
Qua canos sapiant, talia; *LAVRE*, feras. (nos,
Sic Phæbi Arbos, postquam exit tellure, virescit,
Nunquam casuras induiturq; comas.

A 4 ARo

A R G V M E N T A
S I N G V L O R V M
L I B R O R V M.

Primi Libri.



E Solymæ deserta petat, MARIA MQ; tenebris

Eximat, insidijs Erebi Dux Zosimon vrget;
Nequitquam: festinanti Senior pede Diuam
Consequitur, varijsq; beat sermonibus aures,
Dum, Mundi qui fræna regant, causasq; vi-
arum

Expedit, & vitæ fuerit quæ summa, requirit.

Secundi Libri.

Florentes æui cursus, crimemq; peracti
Temporis, accessum sacram Salomonis in Urbem,
Inuentæ celebrata Crucis mysteria, & almæ
Præsidium Dominæ, transmissaq; littora sancti
Iordanis, tacitis & quidquid contigit annis,
Carminè perpetuo Nilo generata recenset.

Tertij Libri.

Zosimon innadit Febris, qua liber, ad vndas
Procedit, vitreo desert sub carcere Christum,
Cuius vbi MARIE simulagine pasta, quieto
Immoritur letho, Cæli supera ardua scandens.
Arua Senex relegit, fusum tellure cadauer
Componit tumulo, nomenq; euulgat in Orbem.

IO: BAPTISTAE
LAVRI PERVSINI
CLERICI SEMINARI

De Vita

D. MARIAE AEGYPTIACÆ.
LIBER PRIMVS.



ILIACVM Germen, Caliq; adscripta
maniplis
Femina, Iudei non ultima gloria
Regni,
Prima viam nostris ostendat in Astra
Camenis.

*Aspirent Superi, quorum subiure frequentes
Abramidum tractus, Aegyptiaq; arua tenentur.
Non ego, felici labentem flumine Nilum,
Imbre sub aestiuo, clarum non Memnona plectris,
Sole recens orto, cinctum non cornibus Apin,
Aut Sistris refero ambitam resonantibus Isin:
Plurima quæ prisci celebrant mendacia vates.
Sed quam Calicola, egressam regione Canopi,
Puppe peregrinas nantem videre per undas*

10 *De Vita D. Mariæ Ægyp.*

*In fines, Galilea, tuos, Iordanis ut vdas
Tranarit digressa vias, seseq; recessu
Sedis inaccessæ, nudoq; sub ætheris Axe,
Abdiderit, sceleri ereptos ubi duceret annos.*

*Tuq; adeo, quæ sola hominem nigrantibus antris
Eripis, aeterno secundans secula partu,
VIRGO, faue cæptis: tua laus, te supplice vultu,
Te prece votiua exorat, tibi prima sacratur
Linea, postrema tibi clauditur orbita vita:
Tantus amor, superis animam redimire coronis.*

*ORBE sub Eoo, Solymæa in mœnia vergens,
Silva frequens, sanctæ coniuncta crepidine ripa,
Vicino alluitur Fluvio, qui Monte receptus,
Transmissus per operta soli, radicibus imis
Excipitur Libani, geminosq; abscissus in amnes,
Vsq; fluit, donec, riuus cœuntibus, vno
Arctatur gremio, dupliciq; e nomine nomen
Iordanem recipit currentibus aureus undis.
Intus odoratos educit in aëra conos*

*Pinus amica fretis, frondet procera Cupressus
Aemula Pyramidum, belli domitura furores
Fraxinus, apta oneri Palma, intactumq; veterno
Robur, & aquoreas Abies visura procellas.
Nec vero Nemus in longum protenditur: ingens
Planicies post terga iacet, vix illa minutos
Emicat in fœtus, teneras vix educat herbas.*

Solis

Solis ab aspectu feruens, eademq; calentes
Imbribus vda sinus: non illic vomere Bruma;
Autumnus pomis, violis Ver, frugibus Aestas
Noscitur: hinc regio mutis animantibus orba;
Squallet, & humanas excludit inhospita plantas.

Hæne olim quemquam vestigia ferre per oras
Egit amor? Pharias inter celeberrima Nymphas,
Claruit ut fædis quondam Cythereidos armis
Effuso teneras populata Cupidine venas:
Nunc, longe castis aterni Pneumatis armis
Excita, caelesti mentem radiata sereno,
Illustrat Solymas æui matura latebras.

Huius ut egregie fluerent in sæcula laudes;
Et totum caneret vox indefessa per Orbem:
Deterfas animæ labe, quas cætib; olim
In medijs illex, atq; inconsulta Libido
Intulit, unde frequens posthac exempla capeffens
Posteritas, Ditis victus eludat hiantes.
Illustrem senio quendam, canisq; verendum,
Nec per inaccessas metuentem vadere silvas,
Rex Cæli excierat. Mens huic insederat, omnes
Scrutari saltus, nemorumq; errare per umbras;
Si qua latebrosa caelestia pignora valles
Occulerent. Iamq; euectus Iordanis ab unda
ZOSIMVS (hoc illi nomen) confinia Silue
Legerat apposita: Cum formidabilis Orci

Arbiter

12 De Vita D. Mariæ A'gyp.

Arbiter obliquans oculos, qua præpete gressu
Carpit iter, trepidas Erebi suspirat ad Arces,

Atq; ita. Me ferus iste, meosq; evertere honores
Apparat, & Fidei instimulat Furor: hoc mihi bellum
Ira ciet Superum, usq; adeo immortalibus actus
Saue Parens, odys in me, gemitumq; meorum,
Armabis, nostri longum quæ iura senatus
Seruarunt, aditusq; in Tartaron angustarunt;
Ingenti semet scelerum dum fasce fatigant,
Et contage premunt alios, olidisq; profanant
Sordibus? In vetitos an non satis isse Triumphos
Indignam Pelagen? non quæ tractare pudicos
Ausa pedes Domini, iusto licet increpet illam
Ore Simon? non innumeras, quas non nisi fessus
Enumerem? placet, huic etiam indulgisse calentes
Gymnadas, obscenisq; exercita ludicra mensis.
Esto. Poli (quamquam ò) Meretrix aspiret ad Axes:
Exuerit labes, Christo aspirante, nefandas,
Intrarit tacitas, me non prohibente, latebras;
Quid iuuat, ignotis assuetam degere in oris,
Ad Cali reuocare diem? quo cognita Mundo
Aggeret, heu, nostris maiora pericula Regnis.
Non ita. Tartarea vos hinc properate cateruæ
Fluminis ad ripas, Solymam quod circuit Urbem:
Aëreas accite acies, inde agmine facto
Silvarum prohibete aditu, quicumq; proteruo

audcas

*Audeat ire gradu: finem dedit ore loquendi,
Ac sceptro signavit iter. Tunc Orbis opaci
Faucibus emergens, tennes exercitus auras
Occupat, & medias inter terramq;, polumq;
Aduocat Asmodeus fraterna voce cohortes.*

*Protinus accincta facibus Phlegetonte reſectis,
Obſedere nemus. Puro ſic melle liquentes
Ne ruat in cellas, preciſi raptor honoris,
Cecropia ſtipantur Apes, portisq; malignis
Opponunt animas, vibrandaq; ſpicula in hoſtem
Exacuunt. Lucus tatroſ exhalat odores,
Per truncos ſimulacra volant, feralis opaca
Vultur fronde ſedet, metuendus carmine Bubo
Ingemit, infauſtaq; ſonant ſtrigis omina, ſpectes
Cerberē tria colla Canis, Sphyngeſq;, Chimæraſq;,
Hydras, Harpyas, & Gorgonas, & Centauros;
Quaq; tenebroſo lineſcunt Monſtra Baratro.*

*Iamq; Palæſtinis propior ſit Zoſimus umbris,
Iamq; pedes inferre parat; ſubito ecce tumultu
Silua fremit, rabieſq; armata inopina phalangis
Frondibus erumpit, gradientemq; igne minaci
Turbat, & ab furuiſ lucorum ingreſſibus arcet.
Ille tamen pergit: ſedenim concepta latentes
Aſperat ira Feras, te vi grauiore repellunt
Sanctæ Senex, in te rapida plebs cruda Gehennæ
Graſſatur, crebriſq; minis vix ſufficiſ unus.*

Ergo

14 De vita D. Mariae Ægyp.

Ergo animi dubius pressit vestigia, secum
 Multa putans: ceu si motam pugnantibus Austris
 Viderit esse Ratem Dux, ambigit atrane contra
 Nubila, & aduersas ventosi fulguris iras
 Tendat, & an pauidam referat naualibus Alnum:
 Attamen Arctoa sperans de parte salutem,
 Acrius urget aquas, & multo remige pontum
 Verrit, & inuitis fertur trans aquora ventis.
 Sic prope, suppetias Regem dum poscit Olympi,
 Et mouet arcanas voces, immanis eundi
 Impetus increuit. Necte, Pater Optime, vota
 Præteriere Senis; sed, quem Garganus adorat,
 Conspicuum iaculis, pulchroq; Adamante rubentem
 Accersis, Solymaq; hostes regione fugandos,
 Edicis; cursu arrepto, tecta ignea linquens,
 Bisquinaq; plagas, qua flammea sidera flammis
 Fæta creat regio, & clypeis candentibus ardet,
 Constitit, & tremulam iam iam victura senectam
 Agmina, liuentes caelesti fulmine ad umbras
 Trudit, & Empyream remeat festiuus in Arcem.
 Quam Lemurū numerosa cohors! aut quale per auras
 Murmur! ut æsini cum lux optanda sereni
 Desyt, ac pluuijs fecundior ingruit annus,
 Grandine inundat humus, rapido qua concita lapsu
 Dissilit, & Baccho grauidas exterminat umbras.
 Horror abit siluis, quæ nil crudele minantes.

Accepere

Accepere Senem. Luci frondentis opacam
Explorat taciturnus humum, non abdita cecis
Antra latent scrobibus, non longum ducta per arcum
Frondea tecta virent, non robora Querna patefcunt.

Ergo secretas Nemoris pratermeat oras,
Bisdenosq; dies, per inhospita tesqua, per amplum
Tendit iter spatium, campisq; patentibus errat.

Attigerat medij Titan fastigia Cali;
Cum, matutino qua lux Phaëtontia mundo
Panditur, obtutus voluens, sic farier orsus.

Alme opifex rerum, primo qui Germen ab aeo
Elicis, & sanctum spiras non vnus Amorem;
Incertas errore vias, gressusq; seniles
Dirige: si quondam gentilibus aubeor aruis
Te propter, si tecta libens aliena frequento,
Annuus ignotos gradior si sponte per agros:
Da mihi, vel veterum vestigia nosse Parentum,
Da, vel Eremiticam, melior quo auctore nitefcet
Lux animo, residefc; abigat de mente tenebras.

Audijt Omnipotens, totumq; assensibus Axem
Impulit. Oppositam Scythia respexerat oram:
Tunc e longinquo species transmissa, pauentes
Spargitur in visus, niueo fax debilis orbe
Redditur, & tremula caligat imagine forma:
Suspensam tamen euariant spectra obuia mentem,
An, quae sopitos sensus simulacra flagellant,

Hauserit

16 De Vita D. Mariæ Agypt.

*Hauferit, aut agris quæ somnia fingit amaror.
Contraxere metum crines, transfusus in artus
Terror igit; nostræ æclutū vexilla salutis
Exerit, obstantesq; oculis fugere tenebræ.*

*Ecce procul tepidos MULIER spatiat ad Austros,
Tarda gradu, nullo velamine corpus amicta,
Nigrantes enecta genas, mensura comarum
Tenditur aure tenus, fusco vigor entheus ore
Diffluit, occultos anima qui prodit honores.
Nunc protensa manus, scelera impia defodit Orco,
Nunc iunctas referens ad pectora, flebilis Astra
Suspicit, & patrium tacite suspirat Olympum.*

*Continuo stupidas opplentia gaudia fibras
Dant studio feruere via, mora nulla coërcet,
Haurit anhelus iter, seniumq; imbellem fatigat
Impiger, & sterilem late metitur arenam.
Nec minus, ætatis post lustra nouena peracta,
Inspectus MARIAM recreat Pater. Ast ubi cursu
Sollicitum, seseq; gradu propiore petitam
Respicit; angustis qua faucibus area deses
Arctatur, nigraq; patent consinia terra,
Molitur diuersa fugam. Sic euolat Alnus
Ad volucres conuersa Notos, si limite Eo
In suamet cernat ferri armamenta Carinam,
Hostilemq; putet: feruentius instat; at imas
Illa rapit suspensa vias. Concluditur arcto*

Area

*Area longa sinu, scatebras quo deuius olim
Egerat allapsus per saxa rigentia Torrens:
Nunc sterilis, nullaq; tumens vligine venas,
Peruia Phoebigenis extendit viscera flammis.
Huc ubi peruentum, paullum fuga forte remissa est.*

*Cum Pater. Aetherios auidum cognosse clientes,
Atq; ideo emensum Solymi tot iugera Regni,
Alloquio dignare, Pater. Quid scrupula gressu
Rura voras, placidoq; senem non ore tueris?
Desine, per Superos, cursu iam temet anhelato
Conficere: Eumenidum non me huc furiale venenum,
Non Erebi fraudes, inimicaue adegit Enyo.
Porro hac consilio, Diuisq; vocantibus arua
Afferor. Ab saltem fugitiui lumina vultus
In me verte tui: sint o mihi lumina tanti;
Quando, vel in media campi regione, petentem
Optata refugis similagine pascere lingua.
Talibus orabat, lacrymaq; per ora fluebant.*

*At contra Mulier. Ne, Zosime, perge sequendo
Femineos vexare pedes; muliebria dantur
Membra mihi, radios quæ non impune tuentur
Solis, & assuetam tenebris nigrescere noctem.
Tu potius, promissa tegunt quæ tegmina pallam,
Interius quæ corpus obit, concede roganti.
Sic umbrata humeros, vestemq; accincta fluentem,
Adspectus patiar, iam nil auersa viriles.*

B Obstupuit;

18 De vita D. Mariae Aegypt.

Obstupuit; gravidumq; gerens formidine pectus;
Pane retro conuersus abit. Quid nouerit, inquit,
Femina, desertos celebret quae condita c. mpos,
Me Mundo emersum primis quae Mater in annis
Voce salutarit? secum dum talia voluit.

Confestim sacro vibrata ab Flamine Lampas
Multifido ambiguum radiorum aspergine mentem
Irrigat; agnouit manifesto numine ductam
Ignotum proprio se nomine compellasse.

Ergo superiectos armis deponit amictus,
Contentus secreta tegi, vultuq; reflexo,
Progenies ut bina Noe, qui forte superitis
Molibus undarum merulum noua saecula in Orbem
Translulit; aduersas clamydem proiecit in oras.
Arripit iniectam Mulier, tergoq; refusam
Ante sinus solido dstringit fibula nexu.

Tum iuuat exutam rugis aduertere frontem,
Inq; hominem vibrare oculos; suspensaq; mentis
Viscera latitiae dulci perfundere nimbo.

Inde ait. Et tantum potes exhaustis viarum
Me propter? quidquamne aui proferere tenebrae,
Quod solem meruisse queat? per denia mundi
Degimus, & leges patimur telluris iniquas,
Immerita castas hominum spirare cohortes
Inter, & innocuas vitae melioris Alumnas:
Denum grande nimis, communi vescier aura,

Cumq;

Cumq; Astris Phaëtonta pati. Nec plura, repente
 Infirmum curuare genu, capitisq; verendam
 Caniciem prostrare solo, blandusq; precatu
 Exorare tuam, tellus Galilæa, colonam;
 Armet ut orantem signo, quò in Tartara tendit
 Noctis amica phalanx. Non segnior illa petentem
 Summonet, ac supplex etiam procumbit: uterq;
 Alterius luctatur opem, seseq; vicissim
 Inuitant, verboq; simul de principe certant.
 Haud secus Heroas, refici dum mitibus optant
 Colloquijs, pugnasse putem, quibus æthere ab alto
 Duplice pro victu maiorem detulit escam
 Coruus. adhuc anceps agitur lis, quis prior ore
 Inchoet, & sancto recreet sermone secundum.
 Cum generata Pharo. Tibi debitus, alme Sacerdos,
 Vocis honos; qui liba Deo, dum mystica Patrum
 Ornamenta geris, purgatis frugibus offers.
 Quid maius? modico Regem concludere in Orbe,
 Cui sedes angusta Polus, cuiq; omnia subsumt,
 Et noua calestes trahere ad spectacula maniplos.
 Infra te Isacides, cedit tibi gloria magni
 Moseos, & quorum mentes caligine septa
 Occiduas Legis Christum nouere per umbras.
 Ille sub hac. Et te Superum presentior Aura
 Roborat, unde animo, qua nusquam videris, harenis.
 O Cælo cognata Charis, nec fascibus ullis,

20 *De vita D. Mariae Aegypt.*

*Nec secum qui sceptrum coquat bene digna locari.
Tu, Dea, secundum guttis caelestibus antrum
Corporea regionis habes; nil fraude maligna
Insiceris, turpesque animae fugis auias sordes.
Ne, Mater, frustrare preces: Crucis aurea per te
Signa salutifera firment mea pectora parma.*

*Victa rubet, paulumque oculos demissa, modeste
Annuit, atque senis vix tandem indulgit amori.
Protinus assurgunt; mox qua vicinior agger
Eminet, & totam late despectat Eremum,
Et non ingratam sedem languentibus offert;
Exiguum meditantur iter: defessus euntes
Destituit, fluctumque volans se condit Hiberno
Phœbus, & emersum reficit Cythereidos Astrum:*

*Hic MARIE. Quando autem te huc caelestibus actum
Auspicijs, manifesta fides: dum defluus orbem
Splendor habet, puroque fauent Astra alma sereno.
Incipe, qui Mundo Reges, quam firma per Urbes
Religio, Fidei cui commendentur habena,
Et longum ignoti seriem mihi differe sæcli.
Qui nihil ancipiti poscentem voce moratus:*

*Narrat. Anastasium, cui cura exesse nefandis
Christiadas odys, hostiliaque arma fouere,
Post domitos bello Siculos, & Isaurica Regna,
Impensasque auri turpi pro fœdere massas,
Iratos sensisse Polos, incendiaque atris*

Fulminis

Fulminis obscuris Orci expirasse sub umbris.
 Te pariter, primo fueras qui solis in ortu
 Pingua lanigeras ad pascua ducere turmas,
 Atq; sub occasu notis includere septis;
 Sederis ut rerum solio, sceptrisq; verendus
 Felix Casareo radiaueris vnus in oestro
 Aequior Eunuchi, Iustine, peremptor Amantij.
 Principe te, versi in melius Pietatis honores,
 Hareseon restincta lues, Fideiq; profundum
 Vlcus te solo passum regnante recidi.
 Hinc plaga latatur Syria, ditionis Eoa (mes,
 Regna, Tyrusq; fremunt; hinc crebrior incola Idu-
 Et Calcedonij tellus iam mitior orbis.
 Tu fortes Hunnos, in pralia Bosphoron armas,
 Prosternis Cabaden, populos tutaris Hiberos.
 Felix Hormisda sacrum! cui nempe tot inter
 Vndarum cumulos, Petrum, Cymbamq; petentes,
 Cernere paciferam de Calo labier Irin
 Contigit. Adde ortum Scotorum finibus Astrum,
 Adscriptum Calis Astrum, te scilicet ingens
 Brigida. Sed Thusci fors durior illa Ioannis;
 Dum Theodorico mæsta fera sceptræ regenti
 Italia, in longas legatus truditur oras
 Casaris, iniusto pro fœdere desidis Arrij:
 Quamuis eximium laudis per rura Corinthi
 Reddas Equus, quem plenum animos, passq; superbum

22 De Vita D. Mariae Aegypt.

Pondere compressis nunquam conscendit habenis

Femina. Tu extremis quo floreat usq; sub annis

Firma Fides, mundiꝝ plagas, ac littora victrix

Occupet, excussis niuibꝝ quæ semper abundant,

Quæq; calent rapido Solis propioris ab igne,

Quæq; tepent; precibus non indignabere fuis

Implorare Deum. Puppis quam plurima remis

Bracchia nixa mouent (Mulier tunc excipit) undas

Discutit, optataq; sedet pernicios acta:

Non secus aeternas Oratio fertur in Arces,

Et Triados genua alta tenet; numerosior illam

Si remex agat, atq; hominum multo effluat ore;

Paret ab his Senior, sanctiq; ut Flaminis auram

Concepit, sese totis complexibus arctans

Sternitur; illa tuens, rubro quam limite partem

Oblinit, Antipodum nigras dum deserit oras,

Et remeat nostros Hyperione natus ad Axes;

Paullatim erigitur, mediasq; effertur in auras,

Inde immota manet. sic prima a sede reuulsa,

Orbe sub infanti suspenditur aëre Tellus,

Aeterni Genitoris opus. sic rore pudico

Quæ plantas Christi ablutas fragramine Nardi

Sparsit, & effusis terfit gemebunda capillis,

Extremos rigidis ducens in vallibus annos.

At Lemurum Princeps, medijs qui tractibus errât,

Triste licet doleat, Nemoris patuisse latebras,

Desertoq;

Liber Primus.

23

Desertosq; Agros, suaq; agmina passa repulsam,
Elusum Ditem, cassas uentibus artes,
Nec iam posse obito seniore avertere campo:
Inuidia maiore calens; quo more Leones
Verbere se cauda stimulant in bella ruentes,
Se se acuit, Fratremq; vocans, cui munia mentem
Flecteri, & (heu pronā) trahere in conuicia linguam.

Quamqua, inquit, plures conamina nostra p̄horas
Duci haud posse reor, vicinaq; numina pugnant;
Vel minimum nos usq; iunct; Pater unde rigorem
Mutat, nec p̄nas prorsum patiamur inulti.
Apicis, ut terra emineat, palmasq; supinet
Femina? ut acclinis senior tellure moretur?
Carpe viam pernix, nocituras excute vires.
Tu potes affixas templis, tacitumq; gementes,
Et tamen arcana prece pignora suspirantes
Arguere, immodico implerint ceu viscera Baccho:
Tu potes instabiles undas dum calcat Olympi
Vindex, attonitis mirantium cordibus altos
Insinuare metus, turpe ut l'hantasma, cauamq;
Corporis effigiem credant; tu doctus honorum
Frangere iura, dolos serere, atq; odia aspera ferre:
Tende truces animos, nec mollia tempora differ.

His dictis, mentis fulmen non ocys errat.
Itq;, reditq; vias Erebi, rerumq; frequenti
Agmine, quotquot habent armamentaria Ditis,

24 De Vita D. Mariæ Ægyp.

*Deligit immundum Calicem. Pauor ingemit intus;
Consiliumq; animi præceps, linguaq; malignum
Virus, Tartareoq; latex libatus ab amni.*

*Namq; ferunt: postquam detrusas axe cohortes
Æræa obruerunt aeterno carcere nubes;
Exclusumq; hominem Nemorum felicibus oris,
Olim autem vacuas rediturum in Principis Arces,
Sauior excepit mundi plaga; nocte, dieq;
Seruantem memori Sathanam sub pectore vulnus
Mille extruxit artes, & nomina mille nocendi
Germinis in magni exitium: sed ea inter amaros
Excudisse Scyphos, & pestiferos Crateras,
Aptos Eumenidum serere in præcordia peñes.
Hinc, & qui Inuidia stimulis ignescit, & Ira,
Quiq; tumet, miseroq; auri pallefcit amore,
Quemq; iuuat rugis frons obsita, quiq; calescunt
Ventris ab ingluvie, fædoq; Cupidine feruent,
Ante nigram saniem, monstrosa^q pocula biberunt.*

*Fit propior, pronumq; senem furtim afflat, & atra
Proluit in patera: perlapsus ad intima inundat
Humor, & orantem exturbat, qui lumina tollens
In MARIAM, extantemq; solo, nec labra mouentem,
Turbato trepidos in pectore concipit ictus,
Membraq; prærepto torpent defecta calore.
Tunc anceps dubio sensus sub corde recursat,
Æreone sinu tenues obduxerit artus*

Spiritus,

*Spiritus, horrendi specubus deductus Auerni,
Feminea ignarum tacite qui eluderet umbra.*

*Et secum. Quæ, Calicolæ, funesta parantur
Monstra mihi? post implicitas, longasq; viarum
Ambages hac parta quies? ut scilicet astu
Cingar, & in rabidum miserandus deferar hostem?
Ah, quid, dum cursu fugientis concita feruet
Area, & adspectu se subtrahit inuida nostro,
Sufficitis vires, & nil obstante senecta,
Firmatis tremulam per crebra efflamina mentem?
Tunc tempus gressum cohibere, doloq; paratos
Præmonstrare Polo, tonitru sub sidera misso.
Nunc iuxtim furui fax despectissima Regni
Ore preces vomit, & sedes suspirat ademptas?*

*Sic miser ad multam noctem trepidantior Agno
Fluctuat; undoso nutantem gurgite Petrum
Dixeris; & fessam Mundo vanescere Lunam,
Et Calo Paphias gaudet fulgere fauillas.*

*Viderat arcano curarum pondere pressum
Nata Pharo, sparsamq; senis per pectora nubem.
Ceu vitreas sol transit aquas; nec claustra fluentis
Materia abrumpit, multo nec lumine frangit.
Tum panidum dictis firmans. Nec te penes, inquit,
Tartarei vis ulla Ducis, nec te vlla furentum
Fax petit Eumenidum: mentis quin excutis umbras,
Et reddis iam tute tibi? mortalia cerne*

Membra

26 De vita D. Maria Aegypt.

Membra: quæunt longis obnoxia Solibus vri;
Ventorum gelidis perculsa rigescere pennis;
Interius veros anima epotante dolores.

Sic dulces radios in te supremus Olympi
Rector agat, mersumq; nigra caligine Mundum,
Et crudas tibi Legiones usq; gementem,
Cernere det, qualesq; parent in praelia casses,
Quotq; plicent hominū, venantum more, maniplos.

Tantum effata. Sinus, humeros, vultumq; superne
Quadrifido emunit signo; nouus inde refert
Ora nitor, viuas iaculantur tempora flammæ.

Mos en lucifluo credas a monte reuerſum;
Vſque adeo iubar irradiat: tunc ille resudans
Epotos latices insertaq; semina culpe,

Concidit in vultus; atq; hinc de plebe videtur
Cornutam faciem non agnoscente beati

Principis; hinc gremio cum quis præreptus anhelæ
Doridos, aduersi miscent ubi fulgura venti,

Sit rationis inops; tandem ut lux reddita menti,
Proditaq; occultis defleuit crimina guttis;

Per rerum Dominum, per carnea vincula, quæ se
Implicuit, cum siderea Genitoris ab Arce

Fluxit Virgineæ media inter claustra Puella,

Auspice quo crude per tela argentia brumæ,
Nimborumq; minas; fluidosq; e nubibus imbres,

Perg; Cleonaos graderis vel nuda vapores:

Annorum

Annorum ne conde moras, ignotaq; vite
Lumina; pande mihi Quæ sis, qua duceris Urbe,
Quid petis, & sedes tacitas quo Sole frequentas.
Pande libens; tua laus agitur, dator Optime, tuq; hinc
Nosceris, v, q; tui lutitans caligine Mundi.
Quæ diam secretæ beat sapientia mentem,
Dives inauratos operit quæ glæba fluores,
Vllane venturis referent compendia damnis?
Sed nec Fama nocens, doctusq; obtrudere palpum
Arguerit te laudis amor, Deus omnibus auctor,
Quo duce non notis plantas impressimus arvis:
Nec fallor, primæ memini data signa senectæ.

Sexdenos Veris tercrem cum forte recursus,
Ditigenum premor insidijs; qui plurima dum Nox
Incumbit terris, & habet mortalia Somnus;
Mentiti sanctos Superum de gente Ministros,
Vocibus his vsi mecum. Te, quem noua Calo
Gloria sublimem caelestibus eubeit alis,
Cuius & in Solymis nomen percrebuit oris,
Quaq; Palestina surgunt in culmina Valles,
Venimus admonitum. Tempus iam deniq; sacris
Insedeas claustris, ne te per rura vagantem
Spectet ab Axe Deus; veniet longinquior hospes
Te visum, innumeris qui dotibus aurea vincis
Sidera, quotq; obitu pariter lassantur, & ortu.
Ibam nocturno tumidus præcordia visu,

Lacta-

28 De Vita D. Mariæ Agypt.

Lactabantq; rudem mendacia credita sensum.
 Cum mihi (pro Superum pietas!) se obiecit eunti
 Ignoti noua forma Viri, qui voce verenda
 Orci aperit fraudes, verisq; hortatibus implet.
 Tende alio cursus, Patremq; imitatus Abraham,
 Orbe tuo egredere, & castam Iordanis ad oram
 Siste pedem. Gens testâ cauo capita alta cucullo
 Propter agit, qua Sol radijs nil iustius ambit.
 De grege iam dicor; leges hinc nempe secutus
 Non sine mente Dei nouus ad te deferor hospes.
 Nam qua luce latens Christus, frondentibus errat
 Siluarum latebris, patiturq; dolosa profundi
 Tentamenta Ducis; lapides ut vertat in escas,
 Irruat in praeceps, Princeps dominetur in omnes;
 Abscedunt testis Patres, cunctosq; peragrant
 Circuitus, quotquot lambit vicinior amnis.
 Lex ea digressis. Vni gradientur, & instent
 Vsq; viâ; donec tergo deuectus Aselli,
 Dum Pueri palmis, terramq; tapetibus ornant;
 Illustrem Dominus Solymorum ascendat in Urbem.
 Ille hac. Cunctatur Mulier, propiorq; coacta
 Incipit, ima alto suspiria pectore ducens.
 Et pudet infectos maculis tibi prodere mores,
 Et, ne pollutus memoratis sordibus aër
 In nubes cogat sese, turbetq; loquentem,
 Extimeo; tuq; ipse oculis obtendere palmas
 Cogeris,

*Cogeris, vita metuens opprobria nostra:
Forsq; alio captabis iter: ceu gramine campi,
Cum, quis in obstantem vestigia torserit Hydram,
Laus abit, flexoq; pauet fera sibila gressu.
Si tamen emeriti dulce est cognoscere sacri
Dedecus, ut nudam nuper tibi visere promptum;
Omnigenum nudabo nefas, morumq; meorum
Dissidia, & scelerum fontes ab origine pandam.*

Libri Primi Finis.



IO: BAPTISTAE
LAVRI PERVSINI
CLERICI SEMINARI

De Vita

D. MARIAE AEGYPTIACÆ.
LIBER SECVNDVS.



CONSEDERE loco, pronaq; ubi fron-
te parumper

Conticuit, ducto sic longius inchoat
orsu.

Qua septemgeminos fluit erupturus
in amnes

Largior, æstiuo Nilus magis imbre tumescens;
Terra mihi gentile solum, spirabile Solis
Hic lumen, primaq; hausi miseranda tenebras.
Nec vero annorum referens elementa meorum,
Nutricum teneros lusus, dulcesq; Parentum
Blanditias, quæ bisseis mihi cognita in annis,
Ægypti portenta canam, dirasq; Deorum
Effigies, Patrum cultis orientia in Hortis
Numina, & educas Heroum ad sidera Turres:

Sat

Libër Secundus.

31

Sat primas qui curas; tunc ducere eburno
Pectine caesariem, nodis innectere, in orbem
Colligere, intortam niueis aspergere gemmis,
Insuscitare genas, inquirere quæ noua formam
Damna iuuent; quæq; in mores infanda pudicos
Coniurant, vertuntq; animos. Duodenus adulta
Fluxerat Autumnus; patriaq;, domoq; relictis,
Adueni; Emathy qua stirps generosa Philippi
Condita marmoreo iacuit post fata sepulcro.
Sola quidem, multo at Veneris deducta paratu:
Munit iter vinclis insana Licentia ruptis,
Fertq; faces impurus Amor, Petulantia circum
Errat, & effusi Risus: tunc perdita, & amens
Incustoditi iura exsoluisse pudoris,
Et memini, & meminisse pudet. Quæ mollior atas
Patrarit, cecis iam peruia facta ruinis;
Quis fando plenos oculis non exprimat imbres?
Exsequar illa tamen; quamquam meminisse, latentes
Mens abit in lacrymas, & pectora mæror acerbat.
Quam fera nox animo, quam nil iucundius illa
Luce mihi; qua Virgineas despexi coronas,
Atq; Cupidineis potui dare colla catenis!
Ex illo crebris indicere ludicra mensis,
Inq; iocos laxare dies, nimiumq; proteruis
Ibria delicijs, lusus geminare procaces
Ocepi: non muneribus ducebar opimis

32 De vita D. Mariæ Aegypt.

*In Venerem; Veneris merces vel magna, voluptas,
Et geminandus amor: mentisq; infra atria nostra
Omnis gazarum penitus subsederat ardor.*

*Quin ego sæpe hominum vel prouida corda cœgi
Incestare Polos, sopitaq; pectora in ignes
Arrexi, nec cura animo: nam sponte ferebar
In luxus, sensumq; malis excusserat usus.*

*Nec mihi quis Pelagen, peritura aut Baidis acta
Præferat, aut sacris quæ furtim elapsa latebris,
Indulsit ganeis, donec Pater exitus Abrahæ
Militis effigiem mentitus, & ora procantis,
Rursus in antiquæ claustris conclusit Eremitæ.*

*Iamq; recensitos ultra ter quinq; Decembres
Exierat Titan; & adhuc sine fine fruebar
Illecebris, turpesq; trahens ingloria noctes,
Ingenti Macedum macularam crimine terram.
Fors etiam sensere nouam tecta hospita pestem,
Et populi timuere luem, propiusq; periculo
Ad Superos fudere preces, ne impune vagari
Talia Niliacas paterentur monstra per Vrbes,
Areret fons iste mali, siue acta Getarum
Trans scopulos, sparsum maculis traduceret auum,
Ingenio peritura loci. Non irrita voces
Detulit aura tuas, Vrbs labibus oblita nostris;
Ante utinam tales fudisses ore querelas,
Addictam Stygis quæ me rapuere cauernis.*

Tempus

Tempus erat, cum vicinum properaret in equor
Late hominum conferta manus, quos humida Nili
Clausura tenet, quos Coptos habet, monstrosaq; pascit
Aegyptus; Lybicus quos montibus educat Hammon,
Et Ptolemaea Pharos, nimisq; exhausta Syene
Ignibus: ardet iter, ruit indiscreta iuuentus
Oblonga ad talos spectanda in veste, lacertis
Taurinam pellem, dextraq; hastilia gestans;
Omnibus in vultu Pietas iam scanditur Alnus,
Et medio fertur Zephyris spirantibus alto.
Parte alia crebras alij densare biremes
Ad litus, mistisq; sinus onerare manipulis.
Obstupui, atq; adeo rerum studiosa novarum
Appropior Iuveni. Dic o quid tantus ad undam
Concursus? quo terrarum gens confluit isthac?
Ille autem. Sacras Solymorum tendit ad Arces,
Spectet ut inclusum gemmis venerabile Lignum,
Christi Illustre decus, cuius sollemne trophaum
Proxima Luna refert: si suaserit ire voluntas,
Tunc ego, composita reris me puppe receptent?
Donetur merito, subdit, si Navita naulo,
Has certe tranabis aquas. Mihi munera nulla,
Nulla mihi argenti vis est; sed certus eundi
Impetus expositum iam destinat ire per equor.
Ibo audax, & si rerum ferar indiga, & expers,
Haud expers tamen ibo mei. Subrisit; at ipsa
C Vsq;ue

34 De Vita D. Maria Ægyp.

Vsq̃ue furens, Pinum gelidas tum forte parantem
Nereos ire vias, conscendi; interq; inopinas,
Sicut eram malefana, procax, elumbis, & illex,
Delibuta comas, fucato splendida cultu,
Emicui luenum, portentum immane, cohortes.

Hic ego quas scelerum facies, quantumq; per omnes
Conflarim miseranda nefas, quis carmine digno
Explicit? incesta potuin Mare findere puppi,
Perq; profanatas errare procacius undas?
Continuitq; manum Genitor, ne calitus ignem
In fontem iaceret; ne venti aduersa frementes,
Urgerent fessas in saxa latentia tonsas?.

Prò Pietas? desauit hiems per carula, Ionas
Dum dicto parere negat, Monstriq; reclusis
Faucibus hauritur: liquidum dum Legifer Heros
Currit iter, Rubriq; Maris curuatur utrinq;
Lympha fugax, medio Pharaon iacet obrutus alueo.
Ast ego contemptrix Superum, fax subdola amoris,
Quaq; meos comites sub iniqua Cypridos arma
Hostis amica adigo, non deturbata ceruchis
Pisce voror, reflua non obruor aquoris unda.
Sed tutam, nullog; Aquilonum turbine raptam,
Emensam placidi terga inconcussa profundi,
Optato exponit Ratis imperterrita portu.

Iam tractus, Iudea, tuos, Solymaq; legebam
Rura plaga, magno luenum circundata cœtu:

Eoum

Eoum qualis Phoenix cum migrat in orbem,
Pone Auium grex magnus abit; cum protinus omnis
In partes rapitur varias, & me vagus unam
Deserit. Agnosco subiti quæ caussa recessus;
Plurima nam pubes diuerso ex orbe profecta,
Pulvere sparsa caput, ieiuno pallida vultu,
Supplex æterni Tumulum Soteris adibat.

Sed mens caca anima, scelerumq; infusa per artus
Semina, iamq; calens media de puppe libido

Præstrinxere oculos, nec rem nisi simplice sensu

Tunc bibo. Digressos petulanti plena cachinno
Prosequor: Innumeras non est amor ire per Arces
Vrbis Idumææ, non aurea visere Diuum

Limina, & effracti vestigia peruia Templi,

Non muros toties obitos, totiesq; renatos,

Tecta alia, atq; alias vestigo sedula turmas.

Nec labor; aspirant votis Phlegetontia nostris

Numina, & occurrunt passim, quos labe nefanda

Polluere, & solito placet eneruare veneno.

Hic etiam quanto temeranimus hospitalu luxu
Mœnia? quot, quales animorum euertimus aras?

Hinc (merces speranda reis) pro talibus ausis

Flos Vatum, Regum Princeps, terrorq; Gygantum

A Saule infernam qua pellere suetus Erynnin,

Ad Cytharam palmas iterum retulisset eandem,

Pelleret ut patria scelus hoc quanto ocys Vrbis;

36 De Vita D. Mariae Aegypt.

Ni Pater omnipotens, cuius clementia cunctos
Didita per populos, crimen quodcumq, superstat,
Frangisset Regem, melioraq, fata para'sset.

Festa dies aderat, solitoq, illustrior undis
Sol caput extulerat: mihi cum ruere agmine magno
Visa acies hominum, non densius aëre bruma
Lapsa cadunt folia, & sedem concedere in unam.

Constantiniadum moles operosa resulget
Vrbis in amplexu, tentenis nixa columnis.
Huc gens tota fluit feruent vaga compita, pulvis
Fuscat nube vias, & gressu tardat euntes.

Ire iuuat: prius extantes in vertice cirri
Mista rosis unguenta bibunt, sparguntur odoro
Nectare, & effuso tenduntur syrmate vestes.

Quaq, superfusum multa caligine vulgus
Adfremit, ac ritu undarum, cum nubilus Auster
Insultat pelago, sine more vrgetur, & vrget,
Irruo. Quæ nostro poterat par ire furori
Eumenis? acta locum gens dat, sed & inter eundum
Pacem oculis, bellumq, gerens, concludere furtim
Ardebam teneras Cypræa in vincula mentes.
Ast aditu prohibet flammæ, animamq, tuetur
Cura vigil, nostroq, timens captiua subesse
Imperio, huc propius petulantem impellit, & illuc.
Ventum erat ad limen. Gelidam porta aurea Calpen
Spectat, inocciduis Domini circumlita signis,

Cruce

*Crux hinc, Crux illinc, geminis ea symbola valuis
Præradiant: iam Tempia patent, turbamq; frequentem
Expectant; stat densa phalanx, & pressa, premenq;
Angitur, atq; auido semet seruire fatigat.*

*Irrumpit tandem, magnosq; effusa tumultu
plebs natat in templo, pugnatq; gaudia carpit.
Ut trabe multiplici cum crassa exire vetantur
Flumina, ventre tument, donec superantibus undis,
Oppositas vincunt molis camposq; pererrant.*

*At non immistam populis, aliosq; secutam
Accipit ampla Domus; quin vix pede lambere limem
Aggressam tacite vis improuisa coercet,
Accessumq; negat. Quid tum? viridisne iuuenta
Robur hebet? crebra comitum num fracta procella,
Speratis mea Cymba nequit succedere arenis?
Ergo sacros aditus iterumq;, iterumq; retento,
Postibus intactis iterumq;, iterumq; repellor.*

*Quoq; magis fusæ coeunt in pectora vires,
Inq; fores accensa feror, violentior insto;
Hoc magis excludor. Retro sic ire Magistrum
Defunctas Nereo conantem trudere classes
In portus, a fronte minax saepe impulsi Euris.
Quid facerem? cedo in partem, quando intima sanguis
Sauciat, & mentem nec-opinus concutit horror.*

*Dum vagor adspectu, num quis me forte retrusam
Eludat, rerum facies occurrit utrinq;*

38 De vita D. Maria Ægyp.

Bina, duplex Paries vasti latera utraq; Templi
Ambit, quem quondam radiantem mille figuris
Artificum duxere manus, operumq; sacrorum
Impressere notas. Animi componere fluctus
Posse, mihi res visa satis; propiore sinistrum
Planta adeo latus, & pictura lumine pascor.

Hic Puer Abramides Genitoris iussa cape ssit
Impiger, & gladium manibus, flammamq; ro galè
Gestat ouans, & fasce humeros oneratus acerno,
Festinat celsum montis superare cacumen.
Præcipit hic senior Natum subsistere, onusq;
Ponere, qui rudibus confestim Altaria saxis
Construit, inde struem lignorum imponit, & addit
Isacon, ambobus vinctum post terga lacertis.
Extendensq; manum, nulla formidine ferrum
Stringit, iamq; piæ solamen dulce senectæ
Immolet, & Gnati caros transuerberet artus;
Ni sacer atheria dilapsus ab Arce Minister
Arceat, & clausum arboribus pone Arietis albi
Ostendat vellus, prima pro cede litandum.

Illic Hebræos, Chananæ insignia pugna
Dum referunt, timor inuadit, pars tabe furenti
Occidit, ignitos pars frustra summonet angues:
Dux tamen, extremam Populo inclamante salutem,
Castrorum in medio concretum ex are Cerastem
Suspendit longo, qui sinderet aëra, conto.

Hinc

Hinc iussas acies oculos huc tollere, virus
Deserit, & fluidis abscedunt ulcera membris.

Parte alia duplices inimica fronte phalanges
Effulgent, fremitu hæ gaudent; grassatur in illas
Tristi corde Pavor; dubia dum sorte duellum
Vertitur, & totis spondentur funera campis.
Namq; Philistæas ausum defendere partes
Terribilem membris, immanemq; ore Goliam
Prouocat exigui Pastor gregis, illius arma
Pastorale pedum, lectiq; in fonte lapilli.

Hæc laeuis: Dextro rapior dein pariete; ibiq;
Eductus puteo truncum iam certus Iudas
Prodere quadrifidum, gemmata in sede sedentem
Sistitur ante Helenam supplex, tumulumq; propinque
Culminis ostentat, Veneris delubra nefanda.
It subito Paphium pars excisura Colossum,
Pars fodit affixas rupes, & feruida saxa
Diffindit nitens, & toto pectore montem
Dissipat; incuruos alij exercere ligones,
Egerere & lapides, effractaq; viscera terra.
Nec mora, scrobs aperit latebras; educitur imo
Crux triplex fundo. Tunc ex armata catenis
Bracchia protendens, iam non captiuus Iudas,
Aspicit, infremere horrendum Plutona per auras,
Et rabie stimulante premi; quod signa Tonantis
Eruta, quod veterum simulacra excisa Deorum.

40 De vita D. Mariæ Ægypt.

Quæ vero e Crucibus Regem stellantis Olympi
 Extulit applicitum, dum quaritur agmina toto:
 Ecce sepulchrali iuuenis condendus in urna
 Effertur; pheretro imponunt tria ligna, sed ultima
 Arboris attactu, frigentia membra reuisit
 Spiritus, & nostras admirabundus in oras.
 Surgit: hic insuetis populum feruere choreis,
 Et pane emota psalteria ludere dextra,
 Cernere erat; Uominam ante alias, quæ vestis honora
 Reiecto fastu, posito Diademate Regni,
 Et lunata genu, venerabile Robur adorat.
 Nec procul hinc Solymi, Romanorumq; cateruæ
 Metantur sedem Templo, spacioq; patienti
 Fundamenta locant: struitur noua machina laeui
 Marmore, conspicuo ducuntur tecta metallo:
 Et, ne vel multa moles immensa fatiscat
 Clade, columnares firmant latera ardua dorsi.
 Inde Crucis vexilla secat Regina, sacraq;
 Partem infert Aedi, recipit Roma inclyta partem.

Sic ducebam oculos; subitus cum pectora terror
 Occupat, accessus caussam, pia signa, Crucemq;
 Insinuans: animæ in tacitum penetrale receptus,
 Elicit arcanos gemitus, animamq; nocentem
 Arguit. Intrabis culparum arguta nouatrix?
 Intrabis tandem? nec te scelus, atraq; turbant
 Crimina, tot, tantisq; hominum ditata ruinis?

Ergo

Liber Secundus.

41

Ergo affixa malo, stolidæq; incendia mentis
Vsq; fouens, sædis venerandam gressibus Aedem
Attentare paras? te vox saltem illa superni
Numinis admoneat, qua quondam Monte nitenti
Spinoso inuolitans Moſen longe arcuit igni,
Pone pedum soleas, quam calcas, enthea terra eſt.

Tantum hac. Actutum excutitur deſpecta malorum
Congeries, quodcumq; actis peccamen in annis
Admiſſum, & priſci occurrunt discrimina morbi.
Erupere genis lacryma, crimenq; ſolutis
Faſſa comis, geminas laxauit in verbera palmas,
Et pectus miſta plangens furibunda querela,
Qua portæ conuexa ſuper, de marmore viuo
Concauus Orbis adeſt, ubi ſplendet Virginis alma
Dulce puerperium, ſuſtollo lumina, & undas
Corde vomens, tales effundo pectore voces.

Alma Parens, quam nec prima contagia labiſ
Ante ortus tetigere diem; nec gaudia poſtquam
Luminis hauſiſti, macularunt crimina tædæ;
Indulge miſera veniam, qua conſcia culpa,
Digna Gomorraeas dudum bibere ore fauillas;
Si vultus, Regina, tuos accedo, tuiq;
Voce vel impura decus implorare fauoris
Haud vereor. Parce, o ſacri ſpes fida nocentis,
Neue oculos auerſa pios mihi dîme, proteruiſ
Quamuis hiſce oculis ſpecteris; faſq; bonumq;

Id

42 De Vita D. Mariæ Ægyp.

Id licet exposcat, maculosæ gentis inani
 Obsequio tumeant, qui pallent crimine, quiq;
 Virginea gaudent animam vinxisse corolla,
 Virgineis pariter cultoribus usq; fruantur.
 Si uerax tamen has olim descendit in aures
 Fama, tui confluxe uteri sub claustra Tonantem,
 Labentem miseratum Orbem, subysse labores
 Insuetos, duroq; affixum brachia malo
 Puram animam medijs in fontibus expirasse,
 Fontibus immeritam parceret qui nempe medelam
 Morte sua, meritoq; reos arceret Auerno,
 Da, Virgo, talem Natum quæ digna reperta es
 Ingrato donasse Orbi, da posse referre,
 Quod peperit mihi morte bonum. Tibi pectoris aram
 Deuoueo, ritusq; pios imitata regentum,
 Cum puppim emota certant sorbere procella,
 Vota ferunt, pictasq; parant post vota tabellas:
 Emersa e scelerum fluctu, tacitaq; repulsa
 Libera, marmorea radiabit imagine forma
 Hac facies, tabulasq; dabit vox ista loquaces.
 Tu modo ne sanctis exclude a partibus, illud,
 Illud ego ut Lignum spectem, quo nostra propago
 Ridet tartareum, iam non captiua, Tyrannum.
 Da faciles aditus: etenim si plena sui mens
 Vel minimum se posse putat, non ullius unquam
 Inquiner attactu sceleris, non crimine post hac
 Polluar

Polluar: extremo inſcimus iam vincla pudori,
Et fidam extremi partem promittimus aui.

Finieram. Trepidam penetrant caeleſtia mentem
Robora: continuo Fidei ſuccenſa calore,
Speq; pia Genitricis ouans, veſtigia raptim
In vetitum refero limen, ſtanteq; cateruam
Opplo: dumq; imo ſub pectore ſpeſq;, metuſq;
Concuſant, tandem, vi nulla obſtante, frementes
Transgredior turmas, dubitataque templa ſubintro.

Quid mihi tunc animi? quā leto in corde voluptas
Speratis haſſe locis? ne gaudia conſer
Illius, ipſa inter qua murmura conuiuarum
Haud verita eſt Chriſti veſtigia tangere dextra,
Impuramq; olim ſummittere ad oſcula linguam,
Quamquam animi tunc pura: ergo introgreſſa cruore
Vſque rubeſcenti deſixi lumina Ligno:
Circum ſtant ara centum, funalia centum
Fixa tolis, Mons abſciſſus, fractiq; molares,
Ac Domini reſperſa pſs ſudoribus arma.
Vtq; oculis ſatis indultum, mentemq; capaci
Luce expleſſe datum, pacem, veniamq; rogantes,
Mille verecundis affiximus oſcula ſaxis,
Atq; exorata lente deceſſimus Aula.

Tollitur ex templo MARIAE proſpectus in ora,
Ore autem. Quas ab? grates, aut quale rependam
Pectoris obſequium, meriti quod pandas abunde
Pondera?

44 De Vita D. Mariæ Agypt.

Pondera? tu veritas aperis mitissima valuas,
Et das siderei victricia signa tueri
Principis, atq; animæ sperata pace potiri:
Quam dedimus dignare animam; tibi colligit auras,
Dirige tu dubiam, venientia tempora vita
Instrue, venturis viuat quo dignius annis.

Hac ubi dicta: leues subito resoluta per auras
Vox sonat. Humentes i trans Iordanis arenas;
Hic tibi tuta quies, & summi terminus aui.

Nec plura. Imploransq; iterum per vota benignam
Parthenicem, gressum ad iussam cito molior undam.
Nec deest, conspicuo nudatam tegmine, palla
Simplice contentam, largæ qui munere dextræ
Dignetur; gestansq; manu tria liba, Syonem
Desero, & optati structam prope littora Ponti
Aedem adeo. Interea Sol occidit, altaq; montes
Vmbra tenet; saxo ingredior fundata vetusto
Templa, & ad ignotam procedo Numinis aram.

Quam super: Eximium fluuio radiare IOANNEM,
Rore leui, timide Christi sacra membra rigantem
Intueor; iuuenumq; choros hinc inde gerentum
Lintea; demissam caelesti sede Columbam,
Aeternum magni testantem Pignus Olympi.

sternor humi, teq; ore pio, Ter Maxime Vatum
Deprecor, assiste operi, meaq; æthere ab alto
Orsa iuues. Sed stellanti Nox ardet in vmbra,
Meq;

Meq; sopor placidis fessam complectitur alis.

*Iam reserata dies, somnumq; a mente fugaram.
Illic multiplicis consueta piacula noxa
Concipio, lymphisq; manus, atq; ora refundens,
Attactu quas ipse suo sacrauit Iesus,
Antiquam celibro Patrum de more Synaxim.
Mox flumen, salubrasq; loci transuecta; maligna
Qua sola, & humanae trepidant saxa aspera planta,
Deferor, & ceca fugiens discordia turba
Agmina, inaccessi formidine perfruo orbis.*

*Atq; hic orta Pharo, facto iam fine, quiescet:
Ni pater: Imo agetum, ne, quæ tibi cumq; supersunt
Nube tegas; dulce emensum memorare laborum
Pondus, & exacti seriem percurrere fli.*

*Illa autem: Innumeras, lingua, exordire querelas,
Lingua, meos casus, & quot prope condita portu,
Pertulerim fluctus, feralibus incipe dictis.*

*Phæbe, quaterdecies stellantia templi rotasti
Septenos supra cursus; ex quo Vrbe relicta
Davidis, hos colimus, nullo infestante, recessus,
Nullo, inquam, infestante hominum; quando omnis ab
Exorta in me tempestas, hoc fonte dolorum (Orco
Triste fluens numerus. Ter senos torti per annos
Plus minus, his memini: quantum vicisse pericli
Auspice Christipara, quales superasse recordor
Dæmonis assultus; hinc accipe. Sapius agrum*

46 De vita D. Mariæ Aëgypt.

Pectus, & exhaustum lacrymis stringebat edendi
 Acer amor: tostas Cereris cum dentibus escas
 Attererem, subito laxi ludibria ventris
 Surgebant animo, quod terra, quod educat aër,
 Quod Nilus, quoscumq; Deos Aegyptus honorat;
 Adde merum Meroes, Mareotidis adde salernum,
 Cæci luxuriam Bacchi, preciosaq; mundi
 Fercula, quîs olim lasciva licentius atas
 Diffluxit; qua quando loci prohibebat egestas,
 Pallebam, maciemq; anima interiore coquebam:

Sæpe leues Cytharas, spirantia carmina, amantum
 Iurgia, molitas fraudes, resolutaq; in ignem
 Viscera, & effusas in mollia gaudia noctes
 Insinuans, mæstam iam non repetenda Libido
 Torquebat lente, viteq; in dura trahebat
 Tadia. Quid passas nocturna per otia pugnas,
 Iniectosq; metus referam? me tardus Hiberno
 Deferat ante dies, quam monstra in lurida versos
 Enumerem Lemures, quam spectra minantia cadem,
 Inflictas Erebi pœnas, promissaq; demum
 Funera, Exemicola quæ nusquam hausere priores.
 Me tamen, & vulsi penitus solatia morbi,
 Verberibusq; admista pijs lamenta tegebant,
 Et quæ, deuotos VIRGO haud frustrata precatus,
 Munifico spargit languentia pectora nimbo.

Hinc clades inter, vibrataq; tela profundis
 Fratribus,

*Fratribus, Angelicis incincta cohortibus, aliis
Visa exisse Polis, & me Mundi ima tenentem,
Despectamq; vltro sanctis animasse loquelis.*

*Fide animo, victrix tandem ditabere Auerni
Exsuuijs, meritaq; dabunt tibi Tartara palmas.
Perfer, & obdura: caelestis semita in arctum
Tendit, & angustus patitur vim limes Olympi.*

*His ego dum versor vicibus, transmissaq; vita
Tempora purgata cordis statione retracto,
Curarum extremas rediens Sol attulit horas.
Ex illo, hinc alio tristes abiere tenebrae,
Nec defecatum violasse hunc aëra fœda.*

*Ditigenum potuere manus; vidi ipsa rebelles
Irrita conari, vidi ipsa immanibus Hidris
Ardere, ac tremulis iræ incandescere flammis,
Vidi etiam admoto procul ablegata flagello
Bella, odia, & Stygi nigrantia fulmina regni,
Et castos Superum post hic habitasse maniplos:*

*Qui sceleris puram, functamq; laboribus Orci,
Sape sacras secum duxere per aetheris oras,
Et patrij dederunt commercia noscere Celi.
O memores longum lucas, albisq; notandas
Velleribus, quibus Astriferas super edita moles,
Aspexi, Chaldaea olim prope flumina quidquid
Captiuus cecinit perplexo carmine Vates;
Quidquid &, Aegæo premitur qua proxima Nereæ
Pathmos*

48 De vita D. Mariæ Aëgypt.

Pathmos, inexplicitus fertur cecinisse Ioannes.
Sed summo laus summa Patri, qui sæpe potentes
Dignatur folio, interea non despicit Orbis
Quisquiliis: quo more suos Sol arduus ignes
Æque pauperibus donat, locupletibus aque.

Desierat iam plura loqui. Tamen unde tot annis
Excepit Senior, frugum tibi copia? & unde
Vel leue nudatos tegmen contextuit artus?
Illud idem, illa refert, quo liquimus alta Syonis
Mœnia, & irriguas Iordanis obuiimus undas,
Temporis enectum vitio, nimiaq; senecta
Deciduum, tenues abiit velamen in auras.
Crebrius hinc tactum glaciale frigore corpus,
Grandineq; & crudo pluuiarum algore pêtitum,
Et Canis icarij torrentia spicula passum,
Heu, quot sustinuit, quam magna incommoda? quot se
Induit in facies? posses modo dicere anhel
Effigiem scopuli, refluo cum tunditur æstu
Aequoris, hyblæ similem modo dicere ceræ,
Quæ perit, ardenti cum ponitur obuia Soli.
At mihi quas escas dederat pia dextra, diurno,
Nocturnoq; gelu, poterant quæ attraxe perennem
Duritiem, denos septem per Veris honores
Vixere, inde herbis, quæ campis hisce virescunt,
Vescebar: sed enim veteres lapsusq; nescisq;
Corde reuoluenti, lacrymisq; piare volenti

Non

Non vlla cordi clamydes, non vlla superba
Gaudia erāt mensa, sed quo calet omne, quod usquā est,
Desuper infusum velabat pectora VERBUM,
Fecundoq; animam satiabat nectaris imbre.
Quis dubitet? nostri vera haec sententia Regis,
Haud tostae tantum spirant munimine frugis
Mortales, certum robur, vitamq; ministrat
Sermo Dei, dulcesq; epulas imitatur Olympi,
Qua Israëligenas olim pauere cohortes.

Hactenus annorum seriem memorasse meorum
Sit satis, & fissa tenuis si gratia lingua
Debetur, summo pro me pia vota Parenti
Offer, Avernali meritam ne destinet igni.

Finis erat jandi: porrecta fronte sacerdos
Obstupet infusos rores, concessaq; ab alto
Munera, tum passis suspectans athera palmis,
Aeternas, inquit, grates, placidissime Regum
Reddo, Christe tibi, qui quos largitus honores
Huic, quae in Calicolum se conspirasse fatetur
Dedecus, educis tenebris, atq; asseris Orbi,
Me praesente, tuis quo scilicet alter in aris
Patri pacificas non segnior obtulit escas.

At te, sic subdit Mulier, per numina Cali
Obtestor, per si quis dictis fors penes istam
Caniciem mihi restat honos; ne, deprecor, uni
Dicta tibi, cures hominum demittere in aures,

D Donec

50 De Vita D. Maria Aegypt.

Donec se humanis latebris, & compede vincta
Eximat, & patrios repetat mens libera campos.

I felix, Ariesq; nouis ubi cornibus annum
Extulerit, mensesq; nouo Phaëtonte redibunt;
Huc adsis, mistoq; iterum sermone fruemur.

Ante peto, simul ac cineres, & nota recurrent
Tempora, quae magni renouant ieiunia Christi,
Ne superes Iordanis aquas: verum ipsa facultas
Longe aberit, licet ipse velis; sed vespere sero
Flos Patris aethery cum passus adorea liba
Vertier in se se, conclusum pyxide corpus
Adfer, ut optatae celebrem conuiuia cenae.

Namq; per hoc aevi, vastis quo viximus agris,
Sinceram Domini nequicquam optauimus escam.
Vltra Iordanis ripas absiste moueri,

Ipsa adero. Iam vade alacer, votumq; volentis
Corde exire veta, sic in te certa bonorum
Dona fluant, sperentq; suum te sidera ciuem.

Tantum effata, atq; in verbo vestigia torquens,
In diuersa abijt: demissus in ora recumbit

Zosimus, & pressae lambit sola feruida terrae;
Protinus abscedit, sanctamq; remensus Eremum,
Se laetum socijs comitem redeuntibus addit:

Quos demum reduces sperata in tecta receptos,
Sacra salutiferae recreant sollemnia mensae;

Libri Secundi Finis.



51

IO: BAPTISTAE
LAVRI PERVSINI
CLERICI SEMINARI

De Vita

D. MARIAE AEGYPTIACAE.
LIBER TERTIVS.



*INTEREA solitas versatilis expedit
anni*

*Menstrua Luna moras, orditur &
ipse labores*

*Phæbus ab axe novos, quo florea
nascitur Orbi*

Temperies, verniq; palam referantur honores.

Annus ordo redit, redeunt cum Sole reuerso,

Christiadum de more, dies, quos ore sereno,

Pulueris iniecti auspicio, pulcherrima rerum

Sobrietas auidis ridens complectitur vlnis,

Sobrietas, qua criminibus se se expiat atris

Turbida vis animae, qua luxu effusa domantur

Viscera, qua celebri splendent leiunia cultu.

D 2 Ecce

§ 2 De Vita D. Mariae Aëgypt.

Ecce tenebrosis Erebi festinat ab antris
Dira lues, nigro FEBRIS circumdata amictu,
Luce oculos perfusa graui, feruore maligno
Funereum succensa caput, stat frigida circum
Caesaries, late glacialibus obsita nimbis.
Dextram frigus iners, lauam grauat ignea cuspis,
Luctificosq; Metus, Lethumq; immane, seueras
Dat Pluton comites. Illam iubet ire silentes
Inter Claustricolas, & te peruadere furtim,
Sancte Senex, qui lethali formidine torpens,
Deserta morerere domo, tecumq; sepulcro
Inferres Phariae monumenta Viraginis. Ergo
Aëra per medium liuentibus incita pennis,
Fertur, & insensam luci, noctisque tenebris
Gaudentem simulat Volucrem, celeriq; volatu
Limina iussa petit: cunctos in tempore Patres
Aspicit, ut mos est, abitum de Sede parantes.
Insedet foribus, gressus obseruat euntum,
Zos non opperiens. Vt cui mens laeua, furensq;
Subdit Mars stimulos, vnum ut de millibus ense
Occupet, & crudas exerceat improbus iras.
Iamq; alios, rursusq; alios Fera saeua notarat.
Egreditur tandem, mora nulla, niualibus armis
Imbellem aggreditur, flammisq; sequacibus urget.
Olli continuo per opertos deditur artus
Arida succiduo glacies admista tremori,

Ac sese argentes paulatim torridus ignis
Ingerit in venas: populatrix flamma repente
Proditur indicijs, geminatur anhelitus oris,
Ore auras captat, fesso rubor errat in ore.
Ergo refert lento vestigia languida motu,
Insternitq; humili languentia membra grabato.
Hoc erat, exclamans, mihi quod prasagyt ingens
Femina. Iam Pestes Monstrum exitiale secutas
Excierat, suprema hominem quo perderet aura.
Inde tamen, Senij cui credita cura tuendi,
Summonit Genius, Febrim consistere passus

Ad paucos Soles. Denos nondum axe recursus
Sol quater explerat; dulce in penetrabile receptos
Viderat ille Patres; Mensis lux nona Cypraei
Institerat, Seniorq; lue perfunctus edaci,
Frigida cum summae langueret portio noctis,
Praenia venturae lucis, sic ore profatur:

Nascere, quae toto tarde mihi redderis anno,
Nascere fausta dies, quam per spatia ampla morantē,
Tarda reuertentis dum flectitur orbita Solis,
Expecto, quae sola venis paritura petitos
Congressus: effunde iubar; te namq; reuersa,
Christi Epulum Paschale redit, votumq; roganti
Redditur. Aurato sed Lucifer exit ab ortu.
Tum stata sacra ferunt, stratos ex ordine Patres
Frugibus intactis, roseoq; cruore Sacerdos

54 De vita D. Mariæ Aëgypt.

Refficit, assuetos mox latior inchoat hymnos.
 Pæne Poli media Titan plus parte tenebat:
 Quod simul aduertit, iussas petere ardet arenas
 Ocyus; hinc Vrnæ, qua mystica liba recondat;
 Accipit, & calathum tenui de vimine textum.
 Intus Palmarum fœtus, rugosa locatur
 Carica, & egelidis perfusa legumina guttis.
 It propere, & tardus comitatur Vesper ad undas.
 Substitit in ripis, & per Iordanin amœnum
 Intuitus spargit crebros, per flumina si quam
 Forte ratem videat, quæ gaudia nota reportet.
 Cedebat nocti casurus in aquor Apollo,
 Ex alijs nostrum rediturus in æthera regnis,
 Noxq; pruinosis crinem redimita tenebris,
 Nigrantes urgebat equos. Ille aquora longo
 Prospectu Solymiaæ legens, trabe nec tamen vlla
 Cognita adhuc, animi hæc pendens. Mulierne priores
 Intulit huc plantas, dum nil dispendia voluens,
 Segne iter ingredior? sed enim nec stupea nauim
 Vincula ligant, totaq; vacant retinacula ripa.
 Forsan ab aduerso dum respicit aggere inane
 Littus, & infessum nulli, rata fluxe per auras
 Imperia, in solitos voto fraudata recessus
 Tristis abit? Sed nec longo processit Olympo,
 Cumq; choro Astrorum Nox Cali limine in ipso est,
 Et nunc tempus adest, nostram quo migret in actam.

Fors

Fors nullos molitur adhuc ad littora gressus,
 Esto; via mentem calor excitet, unde biremis,
 Qua flumen sulcare queat? sine puppe fluentum
 Intret, & instabilem non horreat ire per undam?
 Heu me infelicem? quis me spe deijcit? ecquis
 Extrahit in luctus, nec parto reddit honori?
 Tu, Deus, exigua passus qui claudier urna
 Hanc propter, misera ne despice vota senectæ.

Dumq; iterat Senior lacrymis ea carmina, tandē
 Emicat oppositam Soboles Aegyptia in oram.
 Exiluit, tantusq; obijt præcordia dulcor:
 Irrepsit quantus quondam per Moscos agmen,
 Splenduit obscura lucens cum nocte Columna,
 Inq; die Angelico nituerunt nubila ductu.
 Qua tamen arte fretum superet, dum pectore versat,
 Stat dubius, mistoq; metu sua gaudia librat.

Illa ubi protenso gaudens super astitit amnis
 Margine, saluifico signans vada peruia signo,
 Mobilibus se credit aquis, secura per vdam
 Vadit iter, famulus passim substernitur humor,
 Nec tenui gressus aspergine tinguit euntis.

Saluo, prisca Fides Patrum, Christi aurea saluo
 Compes, amoris opus, rerum gratisima merces.
 Hac pede vel sicco, duce te, transnavit, in æthram
 Olim flammigero vectus qui dicitur axe;
 Hac sancti, Duce te, Isacidum gens fœderis Arcam

56 De vita D. Mariae Aegypt.

Intulit, ingrati pepulit contagia morbi
 Septena Namaan lotus vice gurgite in isto,
 Imperijs veneranda tuis rota solis hebescit,
 Ac relegit conuerſa uias, imponis habenas
 Fluminibus, transfers aliena in culmina montes.

At uero intactis ſulcantem flumina plantis
 Littora mirantur circum, mirantur & unda.
 Aſtupet ipſa ſoror Phæbi, noctemq; uerendam
 Irradiat maiore coma, non cornua purâ
 Fronte gerit, pleno orbe tumet, radioſq; comarum
 Explicat, excelſum Cali dimenſa cacumen.
 Ipſe etiam vitreis hilaris Iordanis ab antris
 Extulit auratam faciem, lumenq; rotauit
 Dulcius, ac Diuæ pedibus gradientis obundans,
 Sape uerecundo veſtigia lambere fluctu
 Appetijt, paſſimq; ſuos teſtatus honores,
 Elicuit placidis feſtiuum murmur ab undis.
 Quid quod & inſtrata Senior procumbat in alga,
 Oblitus ſe ferre Deum? ni ſancta Virago
 Admoneat, quæ forte vadis librata ſupremis,
 Curſus ad ripe tumultum propioris agebat.
 Appellit, glaucaq; tremenſe exponitur vlua;
 Accurruat tum genua ſolo, vitreoq; latentem
 Carcere latanti ſic voce affatur Ieſum.

Tun' igitur, cui iure pari concedit ab æuo
 Orbem regnandum Genitor, cui machina Cali

Tota

Tota patet, breuiorq; tamen, quam quæ potis ample
Te Dominum gestare sinu, tu qualis Olympo,
Et quantus, frugum sub nube reconditus arcta
Hic ades? indignam dignaris munere tanto?
Disijce iam, quidquid tenebrarum pectore nostro
Clauditur, & larga radiorum mole refusum,
Multicolore pias imitetur luce Columbas.

O utinam veros animæ domus induat ignes,
Inq; tuas abeat flammæ: ut vertitur ignis
In faciem, viresq; nouat, quodcumq; calenti
Turbine corripitur: Tu Christe, per Azymon almi
Corporis, oro, tuam me, si haud indebita posco,
Transfer in effigem, puroq; hinc asserere Calo.
Vt te, multiplici post tempora lapsa rotatu,
Optatum toties, flagranti lumine tandem
Aspicio, totoq; libens te corde recepto!

Tum trepidante manu vitalia liba Sacerdos
Obtulit, ambrosioq; animam satiauit inhaustu:
Excurrit, mediosq; fluens medicamen in artus,
Circumfusam animam diuinæ in viscera mentis
Interiora vocat: stat terra immobile corpus,
Aetheria veluti defunctum luminis aura.

Qualiter imbriferi degens in vertice montis,
Prætrepidat, nimiusq; ligat dum pectora terror,
Deficit exanimis, nec iam amplius æthera carpit;
Hunc penes eliso si decidat ære fulmen.

58 *De Vita D. Maria Ægyp.*

*Vtq; diu insolita melior dulcedine sensus
Delicuit, ceu torpenti sibi reddita somno:
Nunc, ait, o Superum Princeps, nunc, deprecor, Orbis
Eripe me vinclis, famulam dignare perenni
Libertate Poli, discussis vidimus umbris,
Quem sacli Dominum, largitoremq; bonorum
Ante renascentis dederas cunabula Mundi.
Mox affata senem. Parce, o Pater optime, parce,
Hoc quoq; venturum mens est si poscere in annum.
Hinc abeas, & Sole nouo, cum liqueris Aedem,
Antiquas molire vias, quo limite primum
Sedimus, in primas ubi soluimus ora loquelas:
Nempe tibi nostri maior tunc copia, tecum
Non vacat hic seras producere longius horas.*

*Subdit ad hæc. Vtinam lateri, Calo auspice, detur
Vsq; harere tuo, cordi preciosa voluptas
Afflueret, dulces caderent in gaudia luctus:
I tamen, & nostri, quæcumq; ea, dona canistræ
Tolle prius, modico te nunc solare paratu.*

*Illæ Paretonium non aspernata legumen,
Exilem comedit lentem, dein cætera lenis
Respuit, illapsam, memorans, diuinitus auram
Posse implere hominem duplicis munimine vitæ.
Illicet insiluit flumen, præcinctaq; flammis
Rursum oras sancti tenuit suspensa fluenti:
Prosequitur visu Senior, litusq; serenis*

Fletibus

Fletibus irrorat, queritur mensesq; rotandos,
Aestinasq; moras, non iam cessisse labores
Hibernos, Calumq; nouo non ire meatu.

Lux oculos sed lassat iners: per nota viarum
Regreditur, reduceq; anni suspirat habenas.

Nondum raptus honor stellis, tellure sub ima
Nox nondum sese occulerat, velocior Euro,
Exiguus spatijs, bisdenas quâ via lucas
Postulat, & longo protenditur ardua tractu,
Ultimus exacti sic urget terminus aui,
Se MARIA assuetis reddit gaudia latebris.

Empyreas supra Turres, culmenq; supernum
Aetheris, augusta stat maiestate verendus
Astrorum Genitor: solio subduntur eburno,
Innumeros inter cuneos, famulasq; cohortes,
Tempus, in aeternos numerum quod diuidit orbes,
Et Natura parens: cruda huic, viridisq; senectus,
Perpetuusq; decor, magno indefessa labore
Inuigilat Mundi curis, rerumq; sequestra
Foedere concordii pugnantia semina iungit.
Cura prior, grauida fecunda Matris in aluo
Iunxerunt elementorum seriem, quibus ille recisus
Certandi genius, qui cuiq; ab origine Mundi
Inditus: hinc siccis ubi non humentia pugnant,
Frigida non calidis, vno componit acervo,
Atq; rudem massam diuerso sidere Cali

Expolit,

60 De Vita D. Mariæ Ægypt.

Expolit, ac dignum decus imprimit: utq; Tonantis
 Fingat in effigiem, cum iam stâta tempora Olympus
 Attulit, ante Deum sistit, qui informia pulchram
 Spiret in ora animam, ducendaq; tempora dicat.
 Scribit dicta Senex; hinc certum Pignus in auras
 Mittitur, edicti spatium quod finiat aui:
 Quodq; recidenda cum fila breuissima vita
 Vertuntur, vel lethali Mors atra veneno
 Orbe rapit, vel bellorum caligo cruentat,
 Obruit aut blandi pellacia subdola Ponti,
 Adde frequens Morborum agmen. Postrema ruebant
 Tempora, Niliacum poscunt fata incita Germen,
 Afflatamq; animam mitis Natura reposcit.

Ergo non maciem, turpi aut undantia tabo
 Vlcera, non febres instillat in ossa furentes:
 Supremum iubet ire Gelu, placideq; per artus
 Intluat, & molli faciat decumbere somno.
 Iussum Frigus adest; metasq; ubi mortis adesse
 Sensit, fusa solo, purumq; sub æthera tollens (quat,
 Lumina. Numquid, ait, maturior hora propin-
 Alme Deus, qua me tandem compaginis huius
 Liberet hospitio, per venas lene fluens Mors?
 Promissas porro ad sedes mens aduena, carnis
 Vsa satis laribus, tam pleno pectore anhelat;
 Quam cui Iudeas votum contendere ad Arces,
 Perq; Vrbes Pharias iter haurit, forte Canopi
 Delicys

Delicijs longum interea difflexerit ille,
 Si tamen excuriat mentem Pietatis imago,
 Ingemit, atq; loci sortem execratus acerbam,
 Parthorum iaculis, contortoq; ocyor igne,
 Digr. datur, votaſq; volans feſtinat in oras.
 At tu, cum nexus anima præſtrinxerit imos
 Triste Gelu, & propior tremulos mors preſſerit orbes,
 Menſq; abiuncta luto, natiuas exeret artes,
 Diuinamq; aciem, da, ne quid ſleBILE, ne quid
 Cernat atrox, neu nigra aliquem de ſtirpe profundi
 Dæmonis, æternos tripidam qui raptet ad ignes.
 Sunt iria regna tibi, meritis quæ digna rependunt,
 In totidem diſcreta globos: haud regna petuntur
 Summa mihi, degant illic, qui labe recifa
 Corporis, ingrati fleuere piacula Mundi,
 Perpetuum caſta complexi mente ſerenum.
 Sat, ſi in me tatro nigrantis ab agmine turmæ
 Nulla ruat facies: intrem regna infera, non quæ
 Torquet in occiduo pœnarum examine toruus
 Rector, & æternum ſquallentibus aſperat umbris:
 Sed quæ ardent pœnis, quæ olim decreſcere norint,
 Caligant umbris, quæ olim vanefcere norint.
 Tuq; adeo, timida pridem tutela carina,
 Diua Potens, primis quando mihi lenis in annis,
 Sis, rogo, nunc eadem; nec me iam morte ſub ægra
 Verſantem, atq; oculos inſtanti nube grauatam
Deſere:

62 De vita D. Mariæ Aëgypt.

Desere: tu nantem verax Cynosura petito
Redde Polo, ac sedes (si fas) concede paternas.
Dixit: & appressa, qua se fors obtulit, hasta
Cuspide, deserta scripsit breue Carmen arena.

CONDE solo MARIAM, terrā super inŷce terræ,
Zosime, pallenti me Mors excludit ab orbe,
Nocte sub extrema, sacra post gaudia cena.

Protinus in speciem moribunda sternitur, ac se
Poluerea componit humo; sic membra locarat,
Effusus lecto iam iam moriturus Iacob,
Et vultu Eoum spectat latus. Vltima lethi
Meta propinquabat: confestim fulgor ab alio
Defluis incingit corpus recline iacentis,
Lumineq; e medio Nubes emergere visa
Par niueis Cycnis, sulcoq; similima lacteo
Hoc super incumbit, clausosq; recludit honores.

inius femineis Celi Regina ceteruis
(Nempe sua audierat vicinum suus alumna)
Cingitur; ipsa suo circum se Sole coronat,
Astra ligant duodena comas, prosternitur ultro
Ante pedes, longe radios accincta minores
Titanis; dextra Sanctissima Magdallene
Triste exosa peplum, promisso crine superbit,
Proxima terrenos Pelage indignata triumphos
Effulget, Solymis olim qua veste sub antris
Delituit mentita virum. Stat parte sinistra

Suaue

Liber Tertius.

63

*Suaue rubens Marie clypeati Neptis Abrhami,
Et roseo madidum siccatur velamine vultum.
Iuxta habitu Thais pulcherrima, luce coruscat
Candenti, victaq; refert de Cypride palmam.
Mille alia comitum facies circumq; suprag;
Funduntur, radijsq; caput morientis inumbrant:
Dumq; fauent oculis, his Virgo vocibus usa est.*

*En hiemem post edomitam, secundaq; nimbis
Tempora, florenti latatur sidere Mundus:
Te quoq; post obitas clades, Orbisq; nocentis
Exilia, & stygy depressa insignia Monstri,
Felix extrema complectitur exitus horæ,
Exitus, optatas aditum qui pandat ad oras.
Gaude animo, partæ prægrandia sænora messis
Te Poli in Arce manent, tibi nulla ambage viarum
Huc accesse datur, quamuis se ostendet aperto
Nigra cohors Cælo, quamuis qua parte feramur,
Inuertat totos Serpentum Tartarus imbres:
Tende libens animum, melioraq; regna capeffe.*

*Sic ait. Ast illi dudum præcordia frigus
Ambierat, tunc maiori se mole refundens,
Expulit exultantem animam de pectoris Arce.
Protinus exceptam socio dignantur honore
Cælestes Nympha, plausuq; ardente canoras
Exercent plectro citharas, cantuq; celebrant.
Haud secus eximitur dira dum sede Leonum*

Fatidicus

64 De vita D. Maria Ægyp.

*Fatidicus Daniel, & prima redditur aula,
 Florentem nulla temeratus labe iuventam,
 Applaudunt Cives, magnis & honoribus auctum
 Suspiciunt, obitis obliuia luctibus addunt,
 Fortunamq; leuem regali pignore firmant.
 Sic & ab euicto remeans Golliade Pastor,
 Attonitam Regis stipatus milite in Urbem
 Vadit, eum cithara versantes pollice nervos,
 Et passim pharÿs celebrantes orgia sistris,
 Virgineae prædulce canunt per compita turbae.
 At, ne persunctum glaciali vulnere corpus
 In putrem vertatur humum, purissima stillant
 Nectara, māsuris Superum libata fluentis,
 Inde colorata redeunt trans aethera nube,
 Et repetunt Cali suprema decemplicis arua.
 Assurgit flexo Titan redeuntibus ore,
 Qui tunc eripiens flammās propioribus Astris,
 Splendidior tremulas radios frangebat in undas,
 Purpureumq; diem curru meliore vehebat.
 Quiq; comas dum late aperit, largiq; serenat
 Igne Polum, infusa conspectum luce cadauer
 Irrubuit, clarisq; diem non inuidet Astris.*

*Tertius assuetum bigas reuocabat in orbem
 Cynthius, angustas protendens longius horas:
 Nudatumq; gelu, reduciq; ab Sole repentem
 Aethera, iam triplici spargebat Flora sereno:*

Visa

Visq; millenos annorum euasse rotatus;
 Lux indicta aderat: dulci fremuere tumultu
 Corda Senis, desiderio qui lucis amata
 Pane extabuerat: parat ad MARIAM ergo remensa
 Ire via; Solymas actutum transmeat undas,
 Perq; Nemus taciturn, desertaq; cognita terra
 Incomitatus abit, solersq; hac voluit, & illac
 Sollicitos oculos, num passim certa cupiti
 Emergant monimenta loci, quo grande quiescat
 Pignus: sic visu saltus rimatur acuto
 Venatrix acies, vestigia si qua latentum
 Deprendat Leporum: mærens procedit, & usquam
 Nil, quod spectet, adest: questus hic altus amaror.
 Elicit interius. Men, o iustissime Diuum,
 Mitibus alloquijs, sanctisq; a vultibus arces?
 Magnum equidem, rarumq; viris, posse ora tueri
 Numinis, humana cuius simulatio in umbra est,
 Et cui Terra patens ut seruiat, haud ego tanti
 Esse putem: tamen huic duplici si affamine per te
 Congressus, si miranda mihi linea vite
 Innotuit, leges redeundi edixit; opertum
 Redde decus, neue, o, tantum perisse viarum,
 Votaq; fusa velis. Pergit, campi; per oras
 Progrediens, humectat iter: nec longa moratur,
 Signa loci apparent. Sterilis terga arida Torrens
 Explicat, undanti flammaram cinctus honore.

B

Accedit

66 De Vita D. Maria Ægyp.

Accedit propius, nigra tellure iacentem
 Aspectat MARIAM, ductis ad pectora palmis;
 Nullum fronte decus, spiramina nulla latentes
 Concipit in venas, sparsum riget undiq; frigus;

Diriguit visu, tacitamq; recessit in arcem,
 Diuisus per membra calor, corpusq; reliquit
 Segnius, & pallentes prætulit in cute Buxos.
 Idem utriq; color, frigusq;, eademq; per artus
 Segnities; viuo credas cum Patre cadauer,
 Et cum frigenti certare cadauere Patrem.

Tandem animi redeunt, leniorq; ubi corde resedit
 Horror, in immensum resolutus protinus imbrem,
 Corpus obit, forma fruitur miserandus inani,
 Expleriq; nequit; iunctis modo frigida palmis
 Oscula, nudatis modo diuidit oscula plantis.
 Utq; diu hospitium felix immobilis ore
 Ambijt, has pallens exclusit deniq; voces.

Hosne ergo affatus, atq; hac libanda resernas
 Gaudia, præsentem mihi dum promitteris anno,
 Pacatosq; animos, hæsurasq; verba relinquis?
 Scilicet, o fallax rerum tenor! ut tua spectem
 Funera, & exequias, extremaq; munera soluam?
 Me miserum! culpæne moras Caliq;, meiq;,
 Erroresne meos, admissaq; crimina? saltem,
 Si certum fixumq; Polis, ut lumina vitæ
 Desereret, præsissem oculos morientis, & auras,
 Extremas

*Extremas auras abeuntis ab ore bibissem;
 Saltem, si immotum fatis, ut in aethera quantem
 Efflares sine teste animam, vel nomine solo
 Clareres, dubium ne te vulgaret in Orbem
 Fama anceps. O primorum transcendere metas
 Digna Patrum, ni praeproperus te ad limen Olympi
 Sollicitasset amor. Tu Cali Sidus, Eoa
 Praesidium tu grande plaga: felicia semper
 O sola, quae longis ea Femina presserit annis, (ram
 Quam quondam undantem lacrymis, terrisq; datus
 Virgineam sobolem, trux ore obsederat Anguis,
 Anguis Virgineam sobolem missurus in aluum,
 Vertice septeno cui cornua dena rubebant.
 Elusus tamen iste; Polo transmiserat ortam
 Progeniem Mulier, binis quae postmodo in alis
 Fulsit, & in vastam fugiens concessit Eremum;
 Tu geminas accincta alas, tu frigida servans
 Arua diu, Angelicis iunxisti commercia turmis,
 Sapius in summi gremium delata Parentis:
 Et quamquam superi diuina ad pondera vultus
 Suspicienda, hebetem nondum caeleste rigasset
 Mentem, caelestis quod gignit Gloria, lumen;
 Tu nec adhuc tanto dignam te munere ducens,
 Fledebas oculos animæ, sparsaq; per Orbem
 Orabas veniam sceleri, sanctumq; refundens
 Diluvium, proprij delebas crimina mundi.*

68 De vita D. Mariæ Ægypt.

*Felix sorte tua, cuius iuga desuper alta
 Armenia, scopulis exempta minantibus Arca,
 Sedit, & emissam cernens de nubibus Irin,
 Obscenum sacris gaudet lotum imbribus orbem.
 Sed quid ego hac tandem? cum nota, ignotaq; raptim
 Hinc abeas, superetq; tui vix fama superstes?
 Ah dolor! an nomen nobis meminisse relictum?
 Quando autem agrescunt gemitus, crebroq; fatiscunt
 Rore genæ, vocumq; calor mihi torpet in ore:
 Sine ad Cælicolum tractus, vacuasq; cathedras
 Carpis iter, seu promissa iam sede quiescens,
 Vesceris aternis dapibus, plenaq; tueris
 Fronte Deum, liquidis in quo ceu fontis in undis,
 Aut leui in speculo, Mundo tibi noscere promptum
 Quæ sint, quæ fuerint, & quæ ventura trahantur,
 Aspice res Orbis, rerum qui sceptrâ fatigant,
 Aspice nutantes Dominos, quo firma per ævum
 Religio, fædas non contrahat oblita labes.
 Me me etiam, tua quem lacrymis ad busta profusum,
 Complexumq; pedes, supremaq; iusta parantem
 Luctus habet, mitis cælestibus aspice regnis.*

*Hac ait. In laenam tristis dein lumina flectens,
 Impressas tellure notas, nomenq;, obitumq;
 Perlegit, extemplo sani vis mæsta doloris
 Lenitur, paullumq; abeunt mala nubila vultu.
 Vt circumfusus nebulis, pluuiâq; grauatum*

Aere

Aëra, ridenti Thaumantias ore serenat.

*Tum parat inferias, & longo murmure carmen
Exequiale canit. Vix dum complerat, & instat
Cura recens, quo te condat, decoretq; sepulcro,
Aegypti sublime decus, se & viribus aui
Exhaustum, inualidos sola non admittere sulcos.
Qua tamen arte potest, truncati fragmine ligni,
Impiger urget humum; sed prima in viscera crudū
Aequor, hiat tantum, summaq; crepidine vulnus
Accipit, insudat pressans: at longius ictus
Haud processse videns, abijcit spem, condere fossa
Posse pigrum corpus: crebra hinc suspiria, secum
Multa rogat Superos; dextra cum parte Leonem,
Deiectumq; iubas, & nil crudele minantem,
Prociduumq; genu, magnæ ad vestigia Matris
Astare, ac blanda gressus allambere lingua,
Respicit. Intremuit pallens, desuetaq; diras
Arua feras alere expauit: sed mite Leonis
Ingenium spectans hominem, dulce annuit, ac se,
Dum cauda alludit, blandeq; ante ora coniscat,
Comiter imperijs offert: Rex magne ferarum,
Tum Senior, Diuis quando huc te afflantibus inferis,
Meq; viae pondus, saeculisq; effaeta senectus
Fossoris nullos patiuntur ferre labores,
Corpus ut hoc terra mandem: tu cui noua feruent
Pectora, & immani florent in corpore vires,*
Exple

70 De Vita D. Mariae Aegypt.

Exple opus officij, glebas pede frange iacentes,
Post, haud Niligenum tumulis, haud mole superba
Pyramidum, egesta bustum condemus arena.

Continuo se operi accingit, dentesq; rigentes,
Vulnificosq; ungues acuit, dein pectore toto
Demolitur humum, detritaq; segmina terra
Egerit, & nitens aptam MARIAE excavat Vrnā.
Mox conclamatam conuoluens tegmine sancto
Materiam, effusus planctu, adiutante Leone,
Exiguo fouea lentus tumulauit hiatu.

At Leo summissa Patrem cervice salutans,
Natiuas, Agno assimilis, remeauit in oras.

Ille genu Pelusiacam veneratus Alumnam,
Cænobyj se in claustra refert, interq; cohortem
Fraternam laxis sua gaudia prodit habenis,
Et MARIAM memorat, MARIAM dū fluctibus almis
Sol oritur, MARIAM gremium dum Tethyos intrat.
Paullatimq; animas rumor dum gliscit in omnes,
Quotcumq; aut pietas, aut ardor adegerat illuc,
Spargitur in populos, NOMENQ; quod exijt Orbi
Viribus exiguis primo, maioribus inde
Auspicijs, nullaq; situm minitante senecta,
Aeternam recipit duplicato sœnore famam.

Libri Tertij, & ultimi de vita D. Mariae Aegyptiaca. FINIS.



TV MV LV S
D I V Æ M A R I Æ
 A E G Y P T I A C Æ.



E Nili genuere plaga, quaq; arua Philippi
 Prole tument, annos edocuere rudes;
 Edocuere quidam, sed crimina, qua tamen Vrbe
 Daudis, auspicio Virginis, elumus.
 Hac in desertas Solyma transcribit arenas,
 Egrediorq; nouem hic lustra, obeoq; diem.
 Zosimus hic tumulat, quā nunc Salomonis in oris,
 Inq; Helena Templis enthea seruat humus.
 F. Christophorus Laurus Perusinus.

In eandem a Io: Baptista Lauro decantatam.

Marcus Ballarinus Seminarij Clericus.

NON sic pigmentis formas expressit Apelles,
 Non sic Phœbeo lumine Stella micat;
Vi MARIÆ gestas pingit res carmine LAVRVS;
 Vt fulgore Dei Dia Vrago micat.

A D E V N D E M.

Io: Baptista Cecconius.

DENT alij molles Elegos, pastoris ludant
 Carmina, & omniferi fertile Ruris opus.
 Heroum studia, ac dubij discrimina Mariis,
 Plenum lasciuis dent Epigramma notis,
 Hac alij maturi auro: tu in flore Iuuenta,
 Cum septenam Glira Six trieterin eas,
 Longe aliud moliris Epos, caelestia, LAVRE,
 Plestra moues, Phary PIGNORIS acta sonas.
 Ergo alij Baccho crines, Vel Apolline cingant,
 Auspice tu Vero sarta Tonante ferēs.


R E G I S T R V M.

*Quaterniones quinque.**A B C D E.**Sed E est duernio.*

P E R V S I A E,

Ex Typographia Vincentij Columbarij. M.D.C.III.
 SUPERIORVM PERMISSV.





MAN
TIANI

